

四庫全書

史部

欽定四庫全書

史部

輿地廣記卷十七

詳校官編修<sub>臣</sub>曹城

檢討<sub>臣</sub>德生覆勘

總校官降調編修<sub>臣</sub>倉聖脈

校對官中書<sub>臣</sub>宋枋遠

謄錄監生<sub>臣</sub>王宮

欽定四庫全書

輿地廣記卷十

宋 歐陽忞 撰

河北東路

北輔開德府春秋時屬衛國秦置東郡二漢屬東魏二  
郡晉屬濮陽國頓丘郡隋屬東武陽二郡唐屬澶濮魏  
三州晉天福中移濮陽于澶州南邦為治所九年升鎮  
寧軍節度皇朝大觀元年升開德府崇寧四年建為北

輔今縣七

中濮陽縣本漢頓丘縣地其濮陽故城在今縣東帝顓  
頊之墟也謂之帝丘夏后相嘗居于此夏伯昆吾亦都  
之春秋時衛成公自楚丘徙焉夢康叔曰相奪予享公  
命祀相秦始皇東徙衛君角而置東郡二漢皆因之晉  
置濮陽國隋屬東郡唐屬濮州晉天德中移縣于澶州  
南郊為治所有鮒鰕山帝顓頊所葬有瓠子口漢元光  
中河決瓠子東南注鉅野

望觀城縣古觀國嘗叛命為夏所伐左傳所謂夏有觀  
扈是也漢為畔觀縣屬東郡光武更名衛國以封周後  
晉屬頓丘郡隋開皇六年更名觀城屬武陽郡唐屬澶  
州有臨黃縣漢畔觀縣地也後魏置隋因之屬武陽郡  
唐始屬魏州大厯七年來屬皇朝雍熙四年省入觀城  
有新臺衛宣公作

緊臨河縣漢黎陽縣地屬魏郡隋開皇六年析黎陽置  
臨河縣十六年置澶淵縣並屬汲郡春秋諸侯之大夫

會于澶淵此其地也後避唐高祖諱改澶淵為澶水武德四年于澶水置澶州貞觀七年州廢省澶水入臨河屬魏州五代來屬

中清豐縣漢頓丘縣地唐大歷七年析頓丘昌樂置清豐縣以孝子張豐為名屬澶州頓丘本衛邑在淇水南故詩言送子涉淇至于頓丘二漢屬東郡晉置頓丘郡後郡廢焉隋屬武陽郡唐始屬魏州大歷七年于頓丘復置澶州晉天福四年移濮陽于澶州南郭為治所而

以頓丘為德清軍皇朝熙寧四年省頓丘入清豐

中衛南縣本楚丘也衛文公自曹邑徙此始建城市而營宮室隋開皇十六年置楚丘縣屬東郡大業初以梁郡有楚丘乃改為衛南唐屬滑州五代時來屬

畿朝城縣本二漢東武陽縣屬東郡臧洪為東郡太守據此以拒袁紹紹圍之城陷為紹所殺魏晉屬陽平郡北齊廢之後周復置武陽縣隋屬武陽郡唐屬魏州貞觀十七年省永昌元年復置武聖縣開元七年更名朝

城晉屬大名府皇朝崇寧四年來屬

畿南樂縣漢東郡之樂昌也宣帝封王武為樂昌侯後漢省之晉置昌樂縣水經樂昌縣故城東西注引漢書表志以為東郡之屬縣漢宣帝封王稚君為侯國此則以樂昌為昌樂矣隋屬武陽郡開皇六年置繁水縣大業初廢昌樂縣入繁水唐置昌樂廢繁水入焉後唐避諱改為南樂晉屬大名府皇朝崇寧四年來屬

次府河間府春秋時屬晉戰國時屬趙秦屬上谷郡漢

屬涿郡後漢為河間國晉因之後魏為河間郡孝文帝  
置瀛州隋廢郡而州如故大業初州廢置河間郡唐為  
瀛洲皇朝大觀二年升河間府瀛海軍節度今縣二

望河間縣本漢州鄉武垣縣地屬涿郡後漢省州鄉入  
武垣屬河間國晉因之後分置河間縣郡徙治此隋開  
皇初郡廢為瀛州大業初復置郡省武垣入馬唐為瀛  
州東城鎮本漢東川縣屬渤海郡後漢屬河間國晉屬  
章武國北齊廢之隋開皇十六年置曰東城屬瀛州大

業初屬河間郡唐屬瀛州皇朝熙寧六年省入河間  
望樂壽縣本漢樂成縣為河間國治焉後漢及晉皆因  
之隋開皇十八年改為廣城屬瀛州仁壽初改為樂壽  
屬河間郡唐屬瀛州後屬深州景城鎮本漢景成成平  
縣地屬渤海郡後漢省景成入成平屬河間國晉因之  
隋開皇十八年改為景城屬瀛州大業初屬河間郡唐  
屬瀛州皇朝熙寧六年省入樂壽

上滄州春秋戰國時為齊趙二國之境秦屬鉅鹿上谷

郡漢置渤海郡後漢晉因之宋文帝置樂陵郡孝武分置渤海郡後魏因之太武初改渤海為滄水孝文時復舊孝明帝分瀛冀二州置滄海及浮陽樂陵二郡隋置棣州後改為滄州尋為渤海郡唐為滄州天寶元年改為景城郡今縣五

望清池縣本漢浮陽縣在浮水之陽高帝置渤海郡治此後漢及晉皆屬焉隋開皇十八年改曰清池屬渤海郡唐屬滄州貞觀元年州自胡蘇徙治于此長蘆鎮以

水為名本漢叅戶縣地屬渤海郡後省焉隋開皇初置  
長蘆縣及漳河郡尋廢十六年置景州大業初州廢屬  
河間郡唐武德四年又置景州貞觀元年州廢屬滄州  
周省入清池饒安鎮本漢千童縣屬渤海郡靈帝改曰  
饒安晉因之後置滄州及浮陽郡隋開皇初郡廢大業  
初州廢屬渤海郡唐屬滄州皇朝熙寧五年省入清池  
乾符寨本二漢章武縣屬渤海郡晉屬章武郡後省焉  
隋開皇十六年置魯城縣屬瀛州大業初屬河間郡唐

貞觀元年屬滄州乾符元年生野稻水穀二千餘頃燕  
魏飢民就食之因改名曰乾符周省入清池有徒駭河  
禹貢九河之一也

望無棣縣本齊地昔周成王賜齊太公履北至于無棣  
是也漢為陽信縣地隋開皇六年置無棣縣屬渤海郡  
取縣南無棣溝為名唐屬滄州貞觀元年省入陽信八  
年復置無棣溝通坂後屬河東郡二漢及晉因之後魏  
後周皆為郡焉隋開皇初郡廢十六年析置河東縣大

業初復置郡省蒲坂入馬唐初為蒲中州後為河中府  
次畿臨晉縣本桑泉左傳僖二十四年晉公子重耳濟  
河入桑泉是也漢為解縣地隋開皇十六年析猗氏置  
桑泉縣屬河東郡唐屬河中府天寶十三年改為臨晉  
解本春秋時解梁二漢及晉屬河東郡後徙焉故城在  
今縣東南

次畿猗氏縣本令狐左傳僖二十四年晉公子重耳濟  
河圍令狐是也縣南對澤即猗頓之故居頓魯之窮士

聞朱公富往問術焉朱公曰子欲速富當畜五牝于是乃適西河大畜牛羊十年之間其畜不可計貲擬王公故遂以猗氏名縣漢屬河東郡後漢晉皆因之西魏改曰梁泉後周復故隋屬河東郡唐屬河中府有郇城周文王子所封詩所謂郇伯勞之者也

次畿虞鄉縣本漢解縣地元魏分置虞鄉縣隋因之唐武德元年改虞鄉為解縣而于解西五十里別置虞鄉縣屬蒲州後屬河中府

次畿萬泉縣唐武德三年析稷山安邑猗氏汾陽龍門置屬絳州大順二年來屬

次畿龍門縣古耿國商祖乙自相徙居之春秋晉獻公滅耿以賜大夫趙夙戰國時屬魏為皮氏縣秦惠王渡河取皮氏二漢屬河東郡魏晉屬平陽郡後魏改為龍門兼置郡隋開皇初郡廢屬河東郡唐武德二年秦州徙治此貞觀十七年州廢屬絳州元和初來屬有龍門山禹貢所謂導河積石至于龍門是也

次畿榮河縣本魏之汾陰縣秦惠王渡河取汾陰即此  
漢屬河東郡武帝立后土祠于汾陰睢上親望拜如上  
帝禮後漢亦屬河東郡晉省之後魏復置兼置汾陰郡  
隋開皇初郡廢屬河東郡唐武德元年改曰秦州貞觀  
十七年州廢來屬開元十年明皇祀后土獲寶鼎因改  
為寶鼎縣皇朝大中祥符四年改寶鼎縣曰榮河置慶  
成軍熙寧元年廢軍以榮河來屬

永樂縣古魏國詩序所謂魏地狹隘者也春秋時晉獻

公滅魏以賜大夫畢萬漢為虢北縣屬河東郡魏晉皆因之後縣東徙焉唐武德元年分芮城置永樂縣以永樂澗為名屬芮州州廢屬鼎州貞觀八年來屬後又屬虢州神龍元年復來屬禹貢雷首山在北山南曰首陽伯夷叔齊隱居其下

大都督府陝州昔周公分陝之所春秋虢國之地所謂北虢也戰國屬韓秦屬三川郡二漢及晉皆屬弘農郡後魏置弘農郡兼置陝州隋開皇初郡廢大業初州廢

屬河南郡義寧元年置弘農郡唐武德元年曰陝州天寶元年更曰陝郡天佑元年昭宗居陝升為興唐府哀帝初復故號曰保義軍皇朝太平興國元年改保平軍今縣八

上陝縣古號國所謂上陽也故城在今縣東漢屬弘農郡後漢及晉皆因之後魏置陝州及弘農郡後周因之隋屬河南郡唐復為陝州有焦國周武王封炎帝之後于此有莘原魯莊公三十二年有神降于莘即此石壕

鎮本峭縣後魏置唐武德八年來屬貞觀十四年改為  
硤石縣姚崇其邑人也皇朝熙寧六年省為鎮有禹貢  
底柱山山有三門河所經唐太宗勒銘于此

上平陸縣本虞虢之地吳山在西上有虞城舜始封于  
此至周武王時封太王子仲雍之後是為虞公春秋時  
晉所滅虢下陽邑在東北漢為太陽縣屬河東郡後漢  
及晉皆因之後廢焉而置河北縣及河北郡隋開皇初  
郡廢屬蒲州唐貞觀元年來屬天寶元年太守李齊物

開三門以利運漕得古劔有篆文曰平陸因更名有傳  
巖在北即傳說築處有茅津在西南對陝城魯文公時  
秦伯伐晉晉人不出遂自茅津濟即此

上夏縣本夏禹之都漢為安邑縣地後置夏縣及安邑  
郡隋開皇初廢屬虞州唐貞觀十七年屬絳州乾元三  
年來屬有巫咸山蓋神巫所遊故山得其名

上靈寶縣古函谷關秦人恃之以為險固漢武帝徙關  
于新安而以故關置弘農郡及弘農縣東漢晉因之元

魏置弘農郡隋開皇十六年置桃林縣屬洛州唐武德  
元年來屬天寶元年得天寶靈符于古函谷關因改元  
兼改靈寶關在縣西南十里老子西遊至關關令尹喜  
先見其氣知真人當過物色而得之曰子將隱矣強為  
著書孟嘗君自秦逃歸夜半至關其客效鷄鳴遂得出  
關戰國時九國叩關而攻秦秦人開關延敵九國之師  
逡巡而不敢進曹陽亭在縣東十三里秦章邯敗陳涉  
將周文於此漢獻帝歸至此為李傕郭汜所逼遂露次

馬曹公改為好陽縣西南境即古桃林之野東北有桑田亭春秋號公敗戎于桑田即此

中下芮城縣本魏國城魯桓公時芮伯萬為母姜氏所逐自今馮翊縣界出居于魏即此地也漢為河北縣地後周改曰芮城置永樂郡郡後廢焉隋屬河東郡唐武德二年置芮州貞觀元年州廢來屬

中下湖城縣本曰湖廣帝采首山之銅鑄鼎于荆山下鼎既成有龍垂胡顙下迎黃帝後世因名其處曰鼎湖

漢武帝改曰湖屬京兆尹戾太子敗亡至此自殺後漢屬弘農郡晉因之

下陽信縣本漢富平縣後改為厭次屬平原郡後漢永平五年復故晉為樂陵國治焉元魏屬樂陵郡北齊廢之隋開皇十六年復置屬棣州大業初屬渤海郡唐武德四年屬棣州八年州廢屬滄州貞觀十七年復置屬棣州皇朝大中祥符八年徙州城及厭次縣于陽信而徙陽信于故厭次焉

上莫州漢為鄭縣屬涿郡後漢屬河間國晉因之隋屬  
河間郡唐武德四年屬清州貞觀元年屬瀛州景雲二  
年置鄭州開元十三年以鄭鄭文相類更名莫州今縣  
一

上任丘縣本漢鄭縣地平帝時使中郎將任丘築城因  
以為名後置任丘縣隋省之唐武德五年復屬蒲州景  
雲元年屬鄭州開元十三年改鄭縣為莫皇朝熙寧六  
年省莫縣入焉長豐縣本利豐唐開元十年析文安任

丘置屬鄭州是年更名長豐皇朝熙寧六年省

中雄州春秋戰國皆屬燕秦屬六合郡唐屬涿易二郡  
晉時入于契丹周克復之置雄州皇朝政和三年為易  
陽郡今縣二

中歸信縣本漢易縣地屬涿郡後漢屬河間國公孫瓚  
有幽州童謡曰燕南垂趙北際中央不合大如礪唯此  
中可避世瓚自以為易地當之遂徙鎮焉易京故城在  
縣南十八里晉亦屬河間國北齊省入鄭縣隋屬河間

郡唐武德五年置歸義縣屬幽州貞觀元年省之八年復置景雲二年屬莫州是年還屬幽州大曆四年屬涿州晉時入于契丹周顯德六年世宗克瓦橋關置雄州治歸義縣皇朝太平興國元年改為歸信

中容城縣漢屬涿郡後漢省之晉復置屬范陽國隋開皇初改為道縣屬上谷郡唐武德五年置北義州貞觀元年州廢以縣屬易州聖歷二年契丹入寇固守不陷因改名全忠神龍二年復名道天寶元年改為容城周

顯德六年屬雄州尋廢皇朝建隆四年復置

中霸州漢屬渤海郡後漢屬廣陽國河間郡晉屬燕國  
章武後屬河間燕郡隋屬河間涿郡唐屬幽州莫州晉  
時入于契丹周克復之置霸州皇朝政和三年為永清  
郡今縣二

上文安縣漢屬渤海郡後漢屬河間國晉屬章武國隋  
初屬瀛州大業初屬河間郡唐屬瀛州景雲二年屬莫  
州周顯德六年屬霸州皇朝景祐元年省永清入馬永

清本漢安次縣地屬渤海郡唐如意元年析置武隆縣  
屬幽州景雲元年曰會昌天寶元年曰永清晉時入于  
契丹周世宗克益津關置霸州治永清縣後省入文安  
上大城縣五代時置屬瀛州周顯德六年屬霸州

上德州春秋戰國時屬齊秦屬齊郡漢置平原郡後魏  
因之晉屬平原國宋屬平原郡後魏後周皆因之隋初  
置德州後復為平原郡唐為德州天寶元年曰平原郡  
今縣二

望安德縣漢屬平原郡後漢及晉皆因之後為郡治焉  
隋開皇初郡廢九年置德州大業初復置平原郡唐為  
德州天寶末安祿山反河北皆陷獨顏真卿為平原太  
守帥眾討賊漢高縣屬平原郡後漢及晉皆因之北齊  
省入故城在縣西北漢重平縣屬渤海郡後漢省之後  
魏復置北齊省之故城亦在縣西北德平鎮蓋後平昌  
縣屬平原郡後漢省之晉為西平昌屬平原國後魏置  
東安郡北齊郡廢隋開皇初屬德州大業初屬平原郡

唐屬德州後謂之德平疑後唐避諱更名皇朝熙寧六年省入安德

緊平原縣齊之西邑韓信夜渡平原襲擊齊厯下軍於此漢高帝六年置平原郡故城在今縣西南後漢及晉皆因之後郡徙治安德隋屬平原郡唐屬德州漢鄆縣屬清河郡後漢及晉因之北齊省入平原故城亦在縣西南

上濱州自唐虞以下地理與涿州同初五代之際置權

欽定四庫全書

卷十

鹽務于海傍後置贍國軍周世宗顯德三年置以其濱海為名割棣州之渤海蒲臺為屬縣而治渤海今領縣二

望渤海縣唐垂拱四年析蒲臺縣次置屬棣州周顯德三年置濱州治此蒲臺與本漢鬲縣地屬平原郡臺高八丈方二百步昔秦始皇東遊海上于臺下紫蒲繫馬至今蒲生猶有縈繫之狀隋開皇十六年置蒲臺縣屬渤海郡唐屬淄州景龍元年屬棣州周屬濱州皇朝大

中祥符三年省入渤海

緊招安縣皇朝慶歷六年析渤海縣地置

下恩州春秋時屬齊其後屬晉戰國屬趙秦屬鉅鹿郡

漢置清河郡後漢為清河國桓帝改曰甘陵魏復故晉

因之後魏為清河郡北齊後周皆因之兼置貝州隋初

郡廢後廢州而後復置郡廢為貝州天寶元年曰清河

郡皇朝慶歷八年改恩州今縣三

望清河縣本漢歷縣屬清河郡後漢安帝以孝德皇后

葬于厝改曰甘陵為清河國治焉桓帝時周福其縣人  
也晉改曰清河縣後曰武成縣置清河郡隋開皇初郡  
廢改武成縣為清河大業初復置清河郡唐屬貝州故  
清陽縣漢為清河郡治後漢省之徙治甘陵後復置曰  
清河縣北齊省貝丘入焉改為貝丘隋開皇六年復名  
清陽屬清河郡唐屬貝州皇朝熙寧四年省入清河  
望武城縣在趙時曰東武城平原君勝封于此邑漢屬  
清河郡後漢及晉皆因之隋為武城屬清河郡唐屬貝

州

緊歷亭縣漢東陽縣地隋分武城郇置歷亭縣屬清河  
郡唐屬貝州漳南鎮本漢東陽縣屬清河郡後漢省之  
隋分棗強清平復置于古東陽城改為漳南縣屬清河  
郡唐屬貝州皇朝至和元年省入歷亭

清州自唐虞以下地理與滄州同五代時置乾寧軍後  
入契丹周顯德六年世宗北伐取乾寧軍御龍舟樓船  
戰艦首尾數十里至益津關後廢焉皇朝太平興國七

年以滄州永安縣復置大觀二年河清七晝夜因改為清州政和三年為乾寧郡今縣一

乾寧縣本永安縣之范橋鎮皇朝太平興國七年置熙寧六年省為鎮後復置縣崇寧三年又省之

同下州永靜軍自唐虞以下地理與滄德冀州同唐置景州周降為定遠軍屬滄州皇朝太平興國六年以軍直隸京師景德元年改為永靜今縣二

緊東光縣二漢屬渤海郡隋開皇初郡廢九年置觀州

大業初州廢屬平原郡唐屬滄州貞元三年屬景州周顯德元年為定遠軍治所弓高鎮本漢縣屬河間國後漢因之晉省焉隋開皇十六年復置屬平原郡唐置景州治此周顯德二年州廢省弓高入東光

望將陵縣漢重丘縣地隋開皇十六年于重丘故城置屬平原郡唐屬滄州後屬景州周顯德二年州廢還屬皇朝慶歷七年屬永靜軍安陵鎮本漢修市縣地屬渤海郡晉置安陵縣隋大業初省入東光唐武德四年復

置屬觀州貞觀十七年州廢屬德州景福二年屬景州  
周復屬後省入將陵

中阜城縣漢屬渤海郡後漢屬安平國晉屬渤海郡隋  
屬信都郡唐屬冀州皇朝淳化元年屬永靜軍

同下州信安軍自唐虞以下地理與霸州同五代時地  
入契丹周顯德六年世宗北伐取淤口關置寨屬霸州  
皇朝太平興國六年以淤口寨為被虜軍景德二年改  
為信安軍

同下州保定軍自唐虞以下地理與雄州同皇朝太平  
興國六年以涿州歸信縣新鎮置平戎軍景德元年改  
為保定軍

輿地廣記卷十

欽定四庫全書

輿地廣記卷十一

宋 歐陽忞 撰

河北西路

次府真定府春秋時屬鮮虞為晉所滅戰國時屬趙秦  
屬鉅鹿郡漢高帝置恒山郡後避文帝諱改曰常山亦  
屬真定國東漢屬常山國魏晉復為郡元魏因之後周  
兼立恒州隋開皇初郡廢大業初州廢復立常山郡唐

武德初復曰恒州後升為成德軍節度元年十五年避  
穆宗諱曰鎮州五代時曰真定府梁以諱改曰武順唐  
復曰成德晉曰順德漢復曰成德周及皇朝因之今縣  
九

次赤真定縣本中山國之東垣邑漢十一年代相陳豨  
反其將趙利守東垣高帝攻拔之改曰真定元鼎四年  
立真定國東漢併入常山魏晉為郡治在今縣南元魏  
道武移郡治於此今府城是也自唐寶應後叛將李寶

臣王武俊王廷湊等相繼據之有滹沱水

次畿橐城縣漢屬真定國北齊立鉅鹿郡後周因之隋  
開皇初郡廢十年立廉州大業初廢義寧元年復立鉅  
鹿郡唐武德元年改曰廉州貞觀元年州廢來屬九門  
縣二漢屬常山郡魏晉元魏因之北齊省隋開皇六年  
復置皇朝開寶六年省入

次畿橐城縣春秋晉大夫欒氏之邑漢為牛棘縣地東  
漢置橐城縣北齊省隋開皇十六年復置屬欒州大業

初州廢屬趙郡唐本屬趙州大厯三年來屬

次畿元氏縣本趙公子元之封邑漢高帝立恒山郡治  
此故城在焉東漢為國魏晉元魏屬趙國北齊省隋開  
皇六年復置唐屬趙州五代時來屬

次畿井陘縣漢屬恒山郡東漢魏晉元魏皆因之後省  
北齊廢石邑以置井陘隋開皇六年復石邑分置井陘  
有逕山其道險隘李左車所謂車不得方軌騎不得成  
列是也有綿蔓水韓信攻趙背水為陣即此

次畿獲鹿縣漢石邑縣地隋開皇十六年分置鹿泉縣  
唐天寶十五載更名獲鹿石邑鎮本漢縣皇朝開寶六  
年省有井陘口亦曰土門秦始皇興兵塞井陘口漢韓  
信出井陘破陳軍唐李光弼出土門破史思明軍皆在  
此地有草山潯池水

次畿平山縣本晉之蒲邑二漢為蒲吾縣屬常山郡魏  
晉皆因之後徙焉隋開皇十六年置房山縣唐天寶十  
五載改為平山

次畿行唐縣二漢曰南行唐屬常山郡魏晉以後皆因之隋曰行唐屬恒山郡唐屬鎮州五代屬真定府有禹貢恒水

次畿靈壽縣漢屬常山郡魏晉以後皆因之後周立蒲吾郡隋開皇初郡廢唐屬鎮州五代時屬真定府皇朝熙寧八年省元祐二年復置焉有禹貢衡水

望相州商王河亶甲居相此其地也春秋時屬晉戰國時屬魏後屬趙秦屬邯鄲郡二漢為魏郡曹公為魏王

都此晉亦為魏郡後趙石季龍前燕慕容儁皆都之後  
魏置相州東魏北齊又都焉改為清都尹後周復置相  
州及魏郡隋初郡廢大業初州廢復置魏郡唐為相州  
天寶元年曰鄴郡故屬天雄軍節度梁分置昭德軍而  
天雄軍亂遂入于晉莊宗滅梁復屬天雄晉高祖置彭  
德軍今縣四

緊安陽縣漢為侯國曹魏時併入鄴徐廣晉紀曰石遵  
自孚城北入斬張豹於安陽後周移鄴縣及相州於安

陽故城遂改為安陽縣魏郡治焉唐為相州有韓陵山  
高歡破爾朱兆於北永和鎮本漢內黃縣地隋開皇十  
四年置長樂縣十八年改曰堯城屬魏郡唐屬相州天  
祐三年改曰永定皇朝天聖七年改曰永和熙寧六年  
省入安陽

緊湯陰縣本二漢蕩陰縣屬河南郡晉屬魏郡後廢焉  
隋開皇六年復置屬汲郡唐屬相州貞觀元年改為湯  
陰有美里城商紂囚周文王之所

緊臨漳縣本漢鄴縣地東漢天平初析置臨漳縣屬魏  
郡後周及隋因之唐屬相州魏文侯七年始封此地以  
西門豹為鄴令民不敢欺至襄王時史起為鄴令引漳  
水溉鄴民賴其用漢高十二年置魏郡治此漢末袁紹  
為冀州牧鎮鄴曹公取之以為鄴都作三臺皆因城為  
基晉亂胡作石季龍慕容儁皆都之後魏置相州東魏  
北齊又都焉後周平齊復置相州隋文輔政總管尉遲  
迥舉兵不順韋孝寬討平之乃焚燒鄴縣徙其居民南

遷四十里以安陽城置鄴縣屬魏郡唐屬相州皇朝熙寧六年省入臨漳

中林慮縣本漢隆慮縣屬河內郡後漢避殤帝名改曰林慮晉屬魏郡後魏置林慮郡北齊廢之後復置隋開皇初又廢之大業初屬魏郡唐屬相州

次府中山府堯時都於此春秋時為鮮虞戰國初為中山國後為魏所并後又屬趙秦屬上谷鉅鹿二郡漢高帝置中山郡景帝三年改為國後漢晉皆因之後燕慕容

容垂移都於此置中山尹後魏為中山郡兼置安州大  
唐改為定州升義武軍節度皇朝太平興國元年改定  
武軍政和三年改中山府中山郡今縣七

繁安喜縣古中山國魏文侯使樂羊伐取之以封太子  
擊漢為盧奴縣城內西北隅有水淵而不流色正黑或  
云黑水曰盧不流曰奴故以取名後魏皇始二年滅慕  
容寶立安州道武帝天興三年改曰定州北齊改為安  
喜後周置鮮虞郡隋開皇初郡廢置鮮虞縣大業初廢

安喜入焉屬博陵郡唐屬定州武德四年改鮮虞曰安喜故陘邑縣本漢苦陘屬中山國後漢章帝改曰漢昌魏改曰魏昌晉元魏因之北齊廢焉隋開皇十六年復置曰隋昌屬博陵郡唐武德四年改曰唐昌屬定州天寶元年改曰陘邑皇朝康定元年省入安喜

繁無極縣二漢為無極屬中山國晉省之後魏復置隋屬博陵郡唐屬定州武后改毋極為無極景福二年置祁州周徙治蒲陵皇朝景德元年来屬

上曲陽縣漢為上曲陽屬常山郡後漢屬中山國晉屬  
常山郡北齊去上字隋開皇六年改為石邑屬博陵郡  
七年改曰恒陽唐屬定州元和十五年改為曲陽在北  
岳常山西

中唐縣昔堯為唐侯國於此春秋時屬北燕昭十二年  
齊高偃納北燕伯款於唐是也漢屬中山國後漢及晉  
皆因之北齊廢焉隋開皇十六年復置屬博陵郡唐屬  
定州舊治中人城縣西四十里有中人亭左傳昭十三

年晉荀吳侵鮮虞及中人大獲而歸是也聖厯元年徙治今所

中望都縣昔堯母慶都所居有堯山在北慶都山在南登堯山見慶都山故以望都名縣漢屬中山國後漢及晉皆因之北齊省入北平唐武德四年復置屬定州初治安險故城貞觀八年徙治今所

中新樂縣古鮮虞國子姓漢為新市縣屬中山國後漢及晉皆因之後廢焉隋開皇十六年置曰新樂縣屬博

陵郡唐屬定州

中下北平縣漢屬中山國後漢及晉皆因之後魏置北平郡北齊郡廢隋屬博陵郡唐屬定州萬歲通天二年契丹攻之不下更名徇忠神龍元年復舊漢曲逆縣濡水於城北曲而西流故曰曲逆左傳哀四年齊國夏伐晉取曲逆是也漢高帝過之曰壯哉吾行天下唯洛陽與是耳詔封陳平為曲逆侯屬中山國後漢章帝醜其名改曰蒲陰晉因之北齊廢入北平

上邢州春秋時為邢國衛人滅之戰國時屬趙秦屬鉅  
鹿邯鄲郡常山王張耳都焉漢屬趙國廣平鉅鹿常山  
郡後漢因之晉屬鉅鹿趙國後趙石勒亦都焉後魏為鉅  
鹿郡隋置邢州後為襄國郡唐復為邢州天寶元年屬  
鉅鹿郡梁升保義軍節度後唐改為安國軍今縣八

上龍國縣故邢國秦時謂之信都項羽立張耳為常山  
王居此更名曰襄國漢屬趙國後漢因之晉省焉石勒  
陷皇州于寶曰襄國因山憑險形勝之地可都也大興



上平鄉縣本鉅鹿縣秦始皇二十五年滅趙以為鉅鹿郡秦將王離圍趙王歇於此漢因之後漢及晉徙治慶陶而鉅鹿屬焉北齊縣廢置平鄉縣屬襄國郡唐屬邢州皇朝熙寧六年省入鉅鹿元祐元年復置

上內丘縣本中丘縣漢屬常山郡後漢屬趙國晉因之元魏屬南趙郡隋曰內丘屬襄國郡唐武德四年屬趙州五年來屬有干言山詩所謂出宿於干飲餞於言是也

































欽定四庫全書

輿地廣記卷十二

宋 歐陽忞 撰

閩













































































































































